



雙白燕堂外集卷七

壽詩

武進陸耀通劄文

山西布政使葉健菴先生世傳壽詩一百韻并序

道光初元重光之歲旗翼緯文璣衡績祚中外禔福大

小法廉

皇上圖治益殷用賢如渴乃詔我健菴方伯大人由臺

灣兵備道陳泉江西未及啟行即拜布政山西之命爰

以三月內渡六月入朝七月莅任下車伊始豐霏隨輶

開藩以來翔風叶軫砥柱銅鞮以北雁門馬邑而南辨

秩乎秋成烟煴平冬旭齊齊焉于于焉可以觀德可以

知政矣某以同里後進承流末僚得侍公於秦中者十

有餘年右遷晉東復依宇下且與哲嗣湘浦司馬為莫

逆交凡公之體國牖民莅官行己心儀既久耳熟能詳

是歲暢月上旬為公杖國大年懸弧令旦成天保之孔

嘉詠既醉而備福上有蓼蕭燕譽之寵下有臺萊保艾

之釐天和以容地澤載浹昭融穀應五百之昌期茂

豫喬椿協八千之瑞紀將見公之德益崇績益赫齒益

尊秩益晉肄勤以勩於邦宏媿以式於家為國華為人

瑞迪詰通彙勿替引之是非導揚令善曷以彰偉猷之

俟應乎雖公有而不居滿而不溢却掃鈴軒擯麾屏幃

而某之述德抒情有不敢藏謏陋者藉麇七秩謹介千

言

雙白燕堂外集卷七

一 畫樓剩稿



軒筵飛龍歲堯莫紀鳳年磨符和樂職鴻寶耀奎躔良  
弼覃禴溥耆英錫羨偏書陳平格頌詩詠熾昌篇祝祐  
聲同徹歌功例可沿請臚郁伯績爲表滌公賢瓊籍寅  
階貴金陵甲第連烏衣承燕翼青鏤記蟬嫣圃邃根爲  
玉源深折是璇高崧開上瑞大昂下飛駢慧業前身種  
台光靜夜懸絃微方炳烺璈奏早喧闐罔筭觴齡擷陔  
蘭綺歲舉馬常眉隱燕寶腹便便邱錦文何麗江花  
夢亦妍莊騷供醞釀魏恣漁旼魯國儒生望虞庠弟  
子員詩從匡鼎說席許戴憑聯桂影蟾輪粟萃香鹿野  
荃中眉初拔幟燒尾乍升筵弱柳三冬緝長楊百步穿  
翹材羅俊以給札事摩研花縣開巫峽棠封帶蜀川牧

雙日燕堂外集卷一

二

畫景刺稿

羣除害馬服猛繫連鸛鳧轉看飛鳥騶鳴喜着鞭道卿  
陳利要於越頌蕃宣宦蹟留構李官程接華蓮一麾嘗  
適楚三輔久推延講舍關西學鼓祠杜曲田振興原以  
次康濟必開先鼓鑄遵園法儲胥慎橐鍵簡書籌筆驛  
泉府水衡錢內史平反重中臺倚任專流膏山北浹最  
績漢南遷軍紀昭戎隸圖增鄭俠編五方多雜處七載  
費糾虔烽灌中黃壘氛迷太白巔狐篝吹夕火狼矢控  
秋弦旁午紛亭堠由庚靖邑廛徙薪資上策去莠協通  
權安堵綏噉雁歸耕解佩韃咸聞歌五袴奚止散重綿  
統郡方千里趨朝尺五天頭銜榮豸冕心簡署鸞牋南  
部通洲島東閩息戍烟萑苻頑革面械樸秀差肩肺石

排行馬牙旗表載鳶蛟皮番驛鼓鹿耳海門舩絕傲油  
幢擁重洋錦纜牽探謠刪柳永探宿駕張騫檠戟星槎  
上桑麻澤國邊澎湖秋薦蔗琉嶠俗登和蠻荔迎金節  
官柳拂繡鞦韆身潮似砥鼈頂嶼成阡武庫資專闕文  
衡仰握銓朗涵水鑑澈清抱玉壺圓立雪栽桃李干霄  
護梓榎淳風揚更遠化雨淨如湔士感鈞從範民懷埴  
在埏共忻緹幕駐爭擁繡帷褰

大寶頒重巽新綸應九乾遠猷元老壯

優詔上方傳烏府開章貢騶輶達薊燕承謨彌翼翼荷  
寵倍拳拳未泛洪都鷓旋乘冀野驤省薇依畫簞童竹  
簇山篋豐樹露輪轂卿雲覆梅樅徭丁輸有式合甲凜

雙白燕集卷二

三 畫曼刺荷

無譽經訓芸芬襲官方裨政蠲明非矜察察潔自愛菱  
菱饋却長腰米庭懸縮項編胡威辭束緝孔奐謝衣羶  
說士如甘肉與氓比慕羶廉能毛穎脫愷惠口碑鐫七  
省祥風洽

三朝潛露鮮摛謙儀抑抑詆蕩道平平精義能探窟高  
文不寄筌清談聞妙諦緒論發真詮治譜輶軒錄家箴  
翰墨緣貽清宜烏奕濟美見騰翩構木千尋榦葱河五  
色泉瓊枝皆挺拔玉醴自潺浚驥子分符虎龍孫侍座  
鱣瑤瑜承四奕圭璧總雙全石奮襟帔飭姜肱襪被眠  
喬陰紛藹藹廉酌潤涓涓饌每銅槃合囊兼玉佩捐振  
荒饑不害任郵旅多還困指禾三百餐分稼十千大裘

推領袖廣厦托榱椽里美依粉社閔高企蕙榜宦秦隨  
芟舍仕晉樂陶甄撰杖趨牀下摳衣拜幄前榮殊三語  
掾知感九方歎勳望今韓范丰儀古偃佺重光調律琯  
上壽譜徽絃揚鱣歌稱兕躋堂賦獻豸升恒天錫嘏矍  
鑠地行仙按部看持節兼圻卜建旃七籤雲笈啟介景  
奉彭錢

雙白燕堂外集卷七

四

畫墁剩稿

顧鏡川封君七十壽詩四十韻

才望王文度經綸馬季常家聲通綠籍世詰述青箱  
鏤關西李衣冠洛下楊璇源紫九曲瑤幹蔭千章  
瑯嬛界湖唇花柳行雲霞開石鏡煙雨夢錢塘地  
近藏春塢人誇有美堂翠屏圍匝金薤插琳瑯  
踈躑鵬程奮趨趨驥足驥扶風投筆早參佐引杯  
長馬上裁書迅尊前岸幘狂仲容推遠量季道羨  
通方百二巖關壯三千曳履翔紅蓮頻捲幕碧樹  
待移牀菝井遵平準租庸費料量渭川青洗竹幽  
館絲挑桑樨稅蠲苛虎賁人罷效羊金心憑鎖俗  
銀手獨擎綱曩歲參旗動遙空河鼓碩飛符馳隴  
坻微粟轉敖倉籌筆機神協儲胥簡覈詳

雙日莊宮外集卷之

五 畫曼刻有

平林薰蟄蝮新市掃封狼上相迎門禮將軍揖客  
光珠璣生咳唾干莫剖毫芒夜雪梁園讌春風杜  
曲香酒痕襟上褪髻影鏡中蒼魏笏延恩渥于門  
啟祚昌五花邀晉錫再葉衍餘慶舍北榮文梓天  
西頌坐棠專城權畫蕩縮綬麗銀囊赤縣飛鳧  
舄青門介鶴觴萊衣新列采梁案對相莊喜氣乘  
龍近和鳴叶鳳鏘公會儀太傅叔子紹中郎紀亥  
逢年吉生申建月良雲籤披寶笈露液瀉銀潢卅  
載苔岑契雙流菊井芳人倫欽孝則兄事奉長康  
高詠諧絲竹相期譜縹緗枌榆同結社重問壽安  
坊

果亭先生六十壽詩并序

日躔析木之次樂調應律之鐘維彼哲人光騰角亢樂  
只君子雅詠臺萊當萬寶告登之日正六豨攬揆之辰  
卻火棗交梨而不御以德爲基笑蓬山弱水之無憑惟  
仁斯壽我果亭年丈中丞大人早掇巍科洊陟台座蜚  
英聲於六卿之間騰茂實於百僚之上

聖主嘉其能寵任隆於外其撫河東也唐風魏俗勤儉  
是圖則淑之以禮樂其撫豫章也襟江帶湖文學之藪  
則澤之以詩書迨夫移玉節駐仙城百爾戴其福星三  
軍於焉挾纊茲維陽月喜介嵩辰躋彼公堂酌以大斗  
某南朔云遙幸苦岑之不隔雲泥雖判賴臭味之猶親

雙白燕堂外集卷七

六 畫樓剩稿

謹賦五律一章爲字六百竊比添庚之策以陳竿亥之  
書

絡節雲霞擁琅弧日月縣湛恩承北闕福曜照南天慕  
府旂常麗轅門鼓角闌序逢嘉稻穫春到綺梅先周甲  
剛初度生申不計年樂山仁者性注錄地行仙雅量汪  
汪澈虛襟屑屑捐光風兼霽月時嶽更渟淵夙擅珪璋  
品新霑雨露偏褐從標錦釋袍喜爛銀擅歸馬斜簪杏  
登龍豔折蓮科名書沒墨學士號青錢蓬苑遊雙島花  
墀步八軛論思蘭藻灑典杖藜然璘炳文章富清華  
翰墨鮮雄才輕五鹿經術邁三鱣啟沃皇猷裕雍容講  
幄前九霄聆玉欵乙夜侍瑤編樺撤宮庭燭香分

御座烟明明卿月朗作法星圓捧簡神何肅埋輪志  
罔愆儀曹冰可鑑郎省筆如椽上應依烏次高翔畫鶴

翩

聖厪原簡在

帝命重傳宣五善皇華選三吳使節遄斗魁隨軸轉房  
駟合鑣聯敷歷湖山外馳驅浙水邊能消鴟義矯遂化  
鼠牙穿獄以平反定歌因遠邇傳封圻膺特眷倚畀出  
宸銓騶唱過秦堞魄麾莅版泉大裘長展萬廣厦庇盈  
千士慰瞻韓願民難借寇還直聲曾徹聽敷政復頻遷  
暫憩棠陰舍言尋柳浦船開藩紅籬滌露冕赤帷塞戶  
版誠和治行臺表帥全詎方來暮起碑已去思鐫懋矣

雙日燕春集卷一

七 畫曼刺稿

重申巽欽哉倍惕乾東南尊節度翼軫指星躔赫奕師  
干總森嚴闕寄專蒼黔爾仰煦嫗惠風扇峻績香爐  
並澄輝石鏡連禮賓常設榻飭紀尙條鞭時叙聞江右  
緩懷又海孺羊城臨檠戟鰲塔樹旂旆斷事胸羅宿吟  
詩力障川宦情追李勉嶺表問梅錫生佛於慈厚純臣  
在位虔勳昭方召德威婉范韓賢仁晉絲綸閣行參燮  
理權元功符鏡卜相字待金填家萃祥和氣琴調靜好  
絃一經詒燕翼七葉繼貂蟬綵霏鴻案康觚進象筵  
松陰函穗石芝草擷花田簪組耆英會岡陵益壽篇紫  
宸凌漢迥丹壑駐春妍幸託同岑契仍叨大治甄燕詞  
恭效祝蓓祿慶綿延

那拉太夫人壽詩一百韻

軒筵重光歲堯莫紀閏年太平多壽考中壺見神仙日  
御辰居正雲依癸極懸吉祥瞻寶婺朗耀叶明媮七袞  
陳瑤笈三秋做玳筵絳都光碧地金界月鬢天露浥銅  
仙掌星垂玉女肩西池琅樂奏南嶽錦圖鑄樹滿恆春  
蔭花舒稱意妍十洲珍籍秘五臚錫疇全在昔承清德  
惟今溯懿傳名宗開鳳翮華胄紀蟬媯博木千尋葉神  
河五色泉靈支原烏奕甘醴自潺湲閨望蘭儀著笋齡  
蕙問宣扶風曲臺禮濟國尙書篇茗刻夸娥瑄葱繡女  
史鈿頰椒斑竹筵銘菊浣花牋錦爛潛鮫室筐浮浴爾  
川巖粧容婉婉德象誦便便馬鄧官勛並金張閥閱連

雙白燕堂外集卷七

八

畫垣剩稱

駟門排綵戟翟莩擁雕軒合鄂台階樹同莖相府蓮采  
蘋循法度茂葛習煩攔補袞紉箴請和羹漑金煎問安  
纁帛肅佐膳栗榛虔諧鳳歸昌集雛鸞應運騫旂鈴徵  
吉夢斂鏡破祥緣芬擬椒蘭烈貞逾竹柏堅拔菴心宛  
轉茹蘖話纏綿仇杼初停織韋書自吮鉛折蓂勤樸學  
鑿柱檢遺編舊業羸金授寒灰荻畫研青箱傳世澤縹  
被警晨眠賦日奇孤露搏霄快九遷甲科承黼綉子舍  
傍樞璇盤鵠離塵起達鴻籙羽翩題名千佛嶠曳履八  
花磚祕閣中台上機庭北斗邊鰲扉宏制誥鸞掖贊衡  
銓蕙館依青瑣萊衣染絳煙螭頭聽漏永鳳尾署章鮮  
內相訂謨大司空岳牧先量才瓊尺界度世綵針穿立

雪栽桃李干雲護梓榭影纓紆孔翠露冕煥貂蟬按讞  
昭明允敷猷絕黨偏芟棠迎使節驛柳拂行鞭朗抱冰  
壺澈清涵水鑑圓平反慈慮愜契合

聖心專

帝識歐陽正人推仲郢賢國華瞻令器闔誠奉真詮宸  
翰頒閭左奎章拜席前姜銘題綰綽魯語誦絃絃筠節  
操彌勁葵忠矢不誓珠編丹格麗璆檢赤文填淑範光  
枿里溫綸絢蕙櫛

君恩滋雨露母教凜冰淵曩歲嚴亭障遙氛起闐壓狐  
篝吹夕火狼矢控秋弦羽檄馳秦蜀麟符出薊燕臨軒  
咨上將投鉞董中權行幄籌纒唱奇兵幟已舉詔宣耿

雙皇燕集卷七

九 晝曼刺桐

秉入家喜令公還紺幟經南粵華輿耀北躔羊城留愛  
景鯨浪駕安艖賈讓防河重崔邠遵輅遄秋隄虹隱隱  
晴棚草芊芊大漠多徠馬窮沙有跼鳶班超使疏勒充  
國出先零衣線看縫密刀環報吉旋倚閭常晏晏投杼  
詎悃悃關輔重持節洮涼再建壇三秦迎版馭八景度  
絲韉候吏爭鳧藻山童簇騎籛祥和周部屋愷惻被翺  
娟玉筍依慈竹金萱引秀荃農曹鄰畫省衛陞肅交鉞  
太紫符郎位中黃扈大畋桐枝誇茂豫柳絮咏嬋娟日  
幹凌蒼鳶星潢潤碧漣棗龍自矜貴附鳳最踟蹰列第  
高誰擬充閭賀益闈

兩朝三世寵四葉一庭聯萸節開重九桃期正八千房

芝涵寶甕都荔晉瑤田翳葆來提嫫階除侍僮仝鵲回  
查漢外鶴報閩風巔燕喜賡通彖鴻文祝曼延觴傾銀  
鑿落衢溢錦連乾木蜜琳腴泛瓊酥石鼎燃九微排雁  
足百和燕龍涎僚屬咸稱兕民萌競獻豸滿庭花匝市  
繞座翠填駢以此儀清淑相將播筦絃摘詞同列鵲望  
宇自憐虻和棘稱凡璞梯棉護曲拳夙聞彤筆記願侍  
絳帷寒岱頂銀泥簡迦音貝葉禪同蘄無量壽花雨洽  
垓埏

雙白燕堂外集卷七

十 畫墁剩稿

朱母陳太孺人七十壽宴詩六十韻

魯策鏞若琯周篇叶黍簣雲章徵壽考坤吉衍餘慶  
展仙人笈葱鏗女史璜王苻縣日御丙極應辰祥當代  
推鍾禮吾鄉式孟莊早傳章遲幔今拜建威堂得姓承  
虹貫流徽溯鳳鏘戟門高耿賈鼎胄匹袁楊紉組誇蘇  
蕙衿鞏誦庾芳威儀經學則窈窕女師章駟闕騁鸞吹  
雕駟賦鵲將于歸肅纁帛佐膳絜醢漿對盥春絲碧開  
奩夜月黃爐煙迷迭檻棊曲昔邪房陰禮宣和樂柔暉  
晉令望鵬嘴昭德儉鷓集括音臧報訊同心佩懷人卷  
耳筐綸禕陪召菱桃李補河陽鵠首天垂絡蠶叢地復  
隍冰峯黃犢鬪雲峽白龍翔上國兼雄望中圭重贊勳

雙鳥齋外集卷七

十一 畫樓剩稿

六珈臨玉壘八景度銅梁錦濯輪江粲花明石鏡粧巴  
陵謝包袖湖榭卻沈香黃竹冬徂闕金刀夕掩芒哺烏  
驚朔引獨繭忍晨張遂卜紅簫域歸來綠樹鄉陶田無  
種秫葛社少封桑露蓼辛逾烈風枝動轉揚伏經談妮  
妮仇杼聽琅琅文禮偕文舉元方與季方楹書傳晏子  
簾業紹平當懷橘同奇陸迎門共禮王一翼推管輅六  
藝擅元莨曩歲參旗動遙空河鼓碾秦郊屯術蝗隴坂  
走封狼自棄扶風筆頻揮樞密槍征衣手中線烽火鬢  
邊霜樓上籌機豫矛頭草檄行竟成關下志時躍匣中  
鏘丹浦頑苗格青邱大隧康氛消荷斧谷甲洗盜兵潢  
上考庸功茂司勳伐闕彰赤城專蕩篆繙綬麗銀囊谷

口開三古甘泉肇九皇迎年拜神策通燿見元光人仰  
崔邠譽家稱馬季良爲慈因種竹留愛卽思棠亮節欽  
還鮮賢聲被飲羊庭規常黽勉治理審周防綰綽銘齊  
媵絃縵美敬姜平反厪隱恤仁恕戒安詳蒲子新封攝  
萱庚吉曜昌年華符絳祿位業貯金箱有客儀清德相  
期譜焯緗望雲思鴛孔賡籟擬蛩蟹采宴羅千紙貞期  
璫七襄筵登紅綬帶籍展絲綈裝甘醴銅仙掌明星玉  
女璫河宗浮寶宇應結永安坊

雙白燕堂外集卷七

七

畫墁剩稿

雙白燕堂外集卷八

祭文

武進陸耀遹劄文

江西僚屬公祭李星屏撫部

毓岱文

嗚呼台星遽隕霄露旋晞松阡霧苦柳翠風淒方瞻弭節忽悵騎箕膏流召伯之芟淚墮羊公之碑繁前勛之猶在洵遺愛之堪思惟公得氣喬崧傳精大昂善作家祥賢惟世寶承壞頰之弓裘襲韋平之坊表旄車著族鵬齡登善射之科水部分曹筮仕裕經邦之兆秉一麾於赤郡控五馬於青州既歌馮而分節羌借寇而扳轡牽帷飭法露冕綏猷竹馬臚懽東魯從覘馴雉木龍底績南徐爭迓鳴騶迺者山陬蟻聚河朔鴟張風傳鶴警雲送龍驤奉簡書於戎幄資籌筆於隣壘遂拜貂璫之寵爰膺獬繡之章彈炭冠之鐵柱平嘉石於金閭黔筑快景星之睹屏垣移卿月之光溯知遇於

雙白燕堂外集卷八

一

畫垣羽扇

先皇聿開藩而開府歷五歲而三遷自五溪而三楚帝嘉福於章貢被隨軺之甘雨引貞疾而還轅起廉頗而出撫迨乘鄣於桂筦播仁聲於蠻鼓感西江之攀戀慰南州之延伫畀以桓伊歸之何武幸郭伋之重來得王恭而式舞吏望公以清塵民倚公於樂土胡棨戟之遙臨曾未周乎寒暑謂逸志於初衣散沈疴而解組豈神理之難知萎哲人於終古嗚呼惟公懋績實惠嘉師惟公穆行可詔來茲立德立功仁爲己任有爲有守清

畏人知未嘗矜察察之明而政靡弗舉非必有赫赫之  
譽而去常見思庶假年以大任曷不愆於遺者宜宸襟  
之軫惻覽遺表而凄其錄舊欽承乎優眷飾終允備乎  
隆儀念此邦之徧德勇閭澤而淪肌誦官常以共勗采  
民譽而同辭年未稱其才諧位未竟其彰施將後昆之  
濟美胥克荷乎門基某等夙列旃幪頻依紳紱慨知己  
而銜恩緬自公而崇術闋川逝而神傷仰山頽而心怵  
情更痛於摧絃禮未伸於執紼薦清酌以摠誠冀靈駟  
之仿佛

廣東將軍巡撫公祭李協卿封公文

嗚呼家編花萼之集衢封棠棣之碑芘荆株而接葉託  
杞梓於連枝伯歌季舞前襟後綦厯耆耄而相敬分出  
處而相師圖籍守王微之牘門庭無謝晦之籬洵人倫  
之至樂洽天性而攸宜昔仲興有道高尚而不仕獲宗  
友悌著美於當時緊通門之盛軌見世濟於今茲忽風  
流之韻盡詎神理之難知惻孔懷而增愴言製諱而敷  
辭惟公望承清德生應歸昌植仙根於蟠李美仁里於  
柴桑滙江湖之靈秀渥世澤於潯陽謝客白蓮之社陶  
公黃菊之鄉高賢傳其月旦處士汗乎星芒公則幼愴  
穆行長擅通方純乎其純日柔經而剛史孝于惟孝歲

雙白燕堂外集卷八

三

畫樓剩稿

清枕而温床職不越乎家街譽早播乎膠庠更元成之  
間出爲邦家而用光資哲昆之牖廸斯追琢夫圭璋馭  
二龍於長塗騁騏驥於康莊温虞公之兄弟列卿相而  
皆良本五行以推測知祿命之不彰慕魯恭而辭辟顧  
不少而名揚戢文鴛之左翼看威鳳之高翔爰隱曜而  
嘉遜爰含華而善藏

朝廷採鄂不之陳情重友于而篤眷感同氣於名臣推  
馴行於碩彥錫寵五章分榮三殿鄴侯仙骨披一品之  
宮衣洛社耆英遜九江之文讌公乃偃仰林泉流連筆  
研旣養望于東山亦頤光於南澗雨過蠟探香之屐風  
起引障塵之扇載皖江之月偶訪軍門憶廬阜之雲旋

回里閨施身教而心亨裕孫詒而子燕若其一黷之秀  
一門之英種文繩武嶽嶽觥觥烏衣羣從白袷諸生經  
公指授早陟蓬瀛四葉繞芝蘭之砌六篇補華黍之笙  
拜國恩而錫嘏展家慶而增榮嗚呼聽異地之同聲知  
得天之獨厚誦清芬以開先似式穀而垂後富名山之  
述作傳奕禩而不朽寄姓宇於修豪本非量乎年壽矧  
八豔之榮躋荷九宸之嘉懋羌恒化以全歸固無庸於  
心疚惟式好之殷懷溯授經於童幼勗士行之愴崇正  
文體之悠繆期致用而通方匪小知而大受夢池草於  
西堂賞惠連之俊秀迨宣勞於中外寓官箴而匡救昨  
驛使之南來尙置書於懷袖冀大齊之可卜享遐齡而

雙白燕堂外集卷八

四 書漫刺稿

未究遽飲痛於人琴悼音容之莫覯嗚呼寬裕以誨比  
順以敬兄良弟悌根乎至性得房杜於同懷洵文中之  
德應况子孫之勿替奉彝訓而聰聽必隱德之隆隆大  
于門而鼎盛又奚憾夫長辭又奚嗟於不慙某等隨季  
方之後塵聆伯珍之獨行紀孝友於宸史志先賢於邑  
乘洵無愧於碑詞洵無愆乎家政漬絮酒而攄忱駐雲  
輶而式凭尙饗

公祭方勤襄公文

嗚呼穹昇嘯威中台戢曜映蔭槐庭屑涕松嶠騎箕軫  
良弼之悲望嶽動哲人之悼矧公孫之遺愛尸祝彌虔  
緬伯起之清規君宗誰效惟公載華地望光表人倫席  
韋平之鼎胄崇建慶之通門

文母徽音錫鳳毛之燕譽

純皇篤祐誇磨角於龍綸翠掖讎經石渠受籙杖藜藜  
青衫分柳綠雲錦褰標霓裳選曲春城桃李之行月鏡  
芙蓉之目詞曹吟鷺郎府依烏勸訐謔於黼幄參密勿  
於金鋪珥管緝揆天之藻籌邊恢益地之圖曳履星辰  
颯景卿之復旦納言夙夜司喉舌之元樞士季冰銜子

雙白燕堂外集卷八

五 畫漫荆桐

將月且吹竹抽椽聽桐辭爨冀野空羣之厩八駿呈材  
桂林蟠木之鄉一枝托榦鈎鈴邊武經緯通方採威明  
之書算收武惠之圖章飛矛草檄滅竈徵糧風和唳鶴  
電掃封狼銅柱勒丹青之字銀河洗戈甲之光載典牢  
盆借籌鹽筴封畫滂以宣猷領繡衣而司直申甫旬宣  
之寄四國于蕃齊梁保障之雄九儀作伯移麾三輔作  
督八閩仰曾孫之錫類援令伯之陳情李綬解腰間之  
組萊衣還掌上之身綠野池臺築奉親之別館白門翬  
展希愛容之平津憲寢俄空薦生芻兮千里我詩永廢  
傷寸草於三春

天子方戒平仲以節哀最邳公以守孝許太傅之終憂

待平章而赴召所冀黃圖舊治重依杜父之仁何期白日方昭遽下巫陽之告迎甲馬而難留泣瓊瑰而忽兆嗚呼哀哉街塵疑雨關月如霜寥寂黃草蕭森白楊奠俞侯而入社祠石相而升堂桓公江上之營空餘衰柳召伯岐陽之舍祇對寒棠

帝有恩言飾終必備憶高陸而弛懸慟安平而賜綈四輔重疑丞之望秩晉崇賢三珠升勛之才恩延著代邀重巽之頻申宜九京之永慰某等後塵祇躡喬嶽同欽述畫簾之緒論托廣廈之餘陰木落山頽盛德猶聞巷哭鸞訛鳳靡大招空奏哀唼絮椒漿而遐跂駐柳妻以來歆尙饗

祭方宮保勤襄公文

代闈中門生故吏

嗚呼台垣揜曜神嶽頽峰箕龍控遠甲馬行空

帝爲撤樂民爲輟春九原不作百爾咸恫矧膺薦舉早

遇宗工繼爲僚屬復隸耕幘感恩知已飲痛靡窮嗚呼

夫子許國夙忱傳家舊德瓌頽雄文質威清節綺歲英

華觴辰岐嶷經舍折筭禮堂圍菴綸閣晨趨樞廷宵直

部冠雲司階遷星列劉晏儲胥桓寬鹽鐵更贊龍韜嘗

探虎穴禁中頗牧闔外蕭曹石峰拓戟海嶠飛艘要荒

地闢舍衛天遙矛頭浙米盾鼻抽豪佩牛劍脫馴象弓

設旂幢啟路笳鼓還朝殊勛迭建異數頻叨貂璫寵錫

犀帶榮褒校藝水衡量才玉尺獻璞三霄網珊百粵象

雙白燕堂外集卷八

七

畫墁剩稿

緯南宮奎文東壁響辨焦桐材搜芑械廉察關郵旬宣

郡國稷下諸生梁園賓客屢送襜帷頻移節鉞綏我嘉

師敷茲閭澤自公分陝始掃欃槍鎮兵竊發復蒞戎行

科其罪首以靖講張連營釋甲毗畝栖糧秦川萬井隴

坂千箱惠傳民譽治洽官常公遷閩浙公去雍涼公以

親老陳情解組惟皇錫類推心嘉許燕喜風徽龍章露

涸寸草驚春束芻終古旣廢蓼莪又刪蒙楚有

詔奪哀起公宣撫公乞終喪廬居草土性篤傳陳恩逾

房褚抑情彊食

天語親咨公懼柴瘠經禮常持何圖促景遽反崦嵫宸

襟軫惜悲不憝遺飾終優渥錄舊懷思崇賢進秩延世

榮施追酬曩昔芘蔭來茲前勛猶在遺愛堪思嗚呼計  
公秉節最久秦中隨軺甘雨攜裏清風政由俗革道與  
時隆於陵代任不易袁公有爲有守惟孝惟忠封豷之  
表智名勇功百城頌德口異詞同心喪遠道涕泗何從  
嗚呼題旄傷情瞻碑墮淚莽莽高雯盤盤厚地神理難  
知精誠不做史成能詳旂常能記豈藉蕪文方昭風義  
惟茲欵欵門生故吏釋奠陳辭悲悰所寄雖阻躬親來  
歆莫闕

公祭襄平蔣節相文

嗚呼平章表乎上相節鎮隆乎外臺資房杜之良弼振  
范韓之全材連圻膏黍結綬登槐顓面而經綸以正沃  
心而金石爲開民譽勤其後望主眷篤而昭回胡碩輔  
之不懋胡靈光之遽摧台星炳兮石賈喬嶽峯兮峯頽  
謳停相杵淚墮遺碑緬六稔之餘烈懜百粵而同悲惟  
公之先起家北地世篤忠貞戎昭果毅攬輝扶日月之  
光得路跨風雲之氣誕育我公邦家是寄嶽嶽有稜汪  
汪無際目十行而俱下口萬卷而忘敵才夙具乎九能  
學兼通乎六藝三年緝柳之勤百步射楊之技溯我公  
之蚤達未弱冠而登瀛南狐史律東馬文程螭頭磚影

雙白燕堂外集卷八

九 畫曼刺稿

鼇背鈴聲聽宮壺之日永遷臺閣而風生越自蹇帷保  
障洎乎總節師干苟羨則少居重任何克則早歷顯官  
西江秉臬南詔開藩樹崇牙於吳會建莫府於隄塢遂  
總持於五筦資控制於百蠻迨移躔於南徼爰溥澍於  
西川室開講舍樓築籌邊聿鑄銅而刻德羌破柱而求  
姦乃若神京左右股肱畿輔之區天塹東西財賦人文  
之數任廸簡承易定之後上下完充狄梁公綏吳楚之  
交神祇翕受賜鞭以况其清勤投醪不分乎薄厚畀公  
以錯節盤根得公而時康俗阜或論鹽鐵或志河渠或  
典關權或董漕儲宏總萃羣賢之任公忠垂列岳之模  
八州作督七鎮兼符勿勿乎振裘而已得恢恢乎游刃

之有餘方公典天憲之金曹兼地卿之版使筆若旋風  
牘如流水秩秩祥平稜稜嚴偉躋樞輔而襄萬機闢綸  
扉而端百揆朱綬珥翠羽儀而弁冕承華紫籞乘驄驅  
策而雲霄如砥青宮崇保傅之銜黃閣正台衡之履處  
中馭外胥承一德以交孚奮武揆文式表

三朝之篤棊盡忱允契乎昌宸茂績允光乎愷史至夫  
嶽蹠河膺括珠囊而摘雋江濱海濫貫珊網而搜英策  
賢良之妙選采雅頌之和聲臚雲桃李潛露荃苓標斗  
山之聞望授衣鉢於公卿見座隅之座主得門下之門  
生宜達人之有後卜濟美於韋平蓋公爲國求賢爽邦  
廸哲說士彌甘思才若渴聽德入而心通好善如其口

雙日燕堂外集卷八

十 畫漫荆稿

出鄭當時推轂官屬有味其言趙廣漢歸功掾曹和顏  
以接是真古大臣之風能以天下爲己責迺者束雪通  
租澆風梗隊方搜亭戶之奸載剔牢盆之弊亦旣繫其  
渠魁將使收其敗類聖觀過而知仁議責賢而必備惟  
內召以勤勦雖左遷而優異公方抱愴於西河復悼賢  
明之永逝因懷疴而蹙假蒙慰問之迭至彌感泣而忘  
私亟過臻而越事詎力疾以駢駢忽中涂而盡瘁荷隆  
恩之贈卹叨飾終而弗替恍歸旆以驚心悵騎箕而屑  
涕某等遙瞻節鉞共託陶鈞矧嶺海之惠澤猶深浹乎  
軍民集寮案而誦德徹衢巷而銘恩冀蜺幢之仿佛縈

清醪於莎尊尙饗

公祭盛孟巖方伯文

嗚呼鳳靡鸞叱芝焚蕙歎送柳翼兮首塗望星旂兮半  
漢豈脫苦而川迴兮將揮戈而日晏要彌久而難忘兮  
情彌懿而易戀緬昔賢之達禮兮常行服于同僚矧贈  
策之未遠兮憶祖帳于西郊跨箕尾其何騁兮聞隴樹  
之蕭蕭感輟春于遺愛兮舉上衽而悲號匪直私于親  
故兮凡有位而同切溯方伯之世闕兮實延陵之鼎族  
誦清芬于先德兮推刺絳之良牧既有恩而無怨兮如  
廷尉之典獄復不置于孝思兮如子翁之行篤更賈虎  
而薛龍兮式昆金而友玉公夙稟乎義方兮擅英譽于  
家督歌鹿鳴而薦鶚兮始傑直于薇垣聽樞庭之鈴索

雙白燕堂外集卷八

十一 畫漫剞稿

兮掌臺閣之絲綸與南宮之高選兮旋改秩于縉雲歷  
清要而脩整兮洵職方之得人決盈几之功狀兮曾不  
俟乎踰旬表繡豸而執法兮控絳騶而清塵惟優賢以  
揚歷兮竄上考于司勛時楚蜀之不靖兮方投鉞于元  
戎起禁中之頗牧兮從何鼓而乘驄或倚馬而占辭兮  
或借箸而折衝贊莫府之籌策兮言駐旆于關中猗邇  
原之赤郡兮控扼要于華潼公撫綏其彫防兮解佩犢  
而明農遂移麾于首善兮媿治行于黃龔逮挽河而洗  
甲兮遂進秩而酬庸

帝知公之可任兮擢糧儲而簡畀綜元凱之度支兮省  
耀卿之冗費淮關輔之殷贍兮實資公之心計公廉平

而和惠兮斯國裕而民利自分陝而蒞秦兮越周星之  
所記公秉臬于章門兮眾攀輶而遮騎忽懽導而駉竹  
兮復開藩于此地將艾舍之重憩兮樂甘棠之蔽芾  
至尊眷于西顧兮移金城之重寄羌奉公而憂職兮固  
夙夜而勤勤謂樹屏于盤錯兮展鞞謂之利器窮職迫  
而懷疴兮幸勿藥之可冀胡盡瘁而不振兮愴赴人之  
忽至爲

朝廷而惜公兮傷良弼而屑涕公忘私而匪懈兮尙寄  
帑于江國常憶弟而看雲兮念掖垣之清切方後昆之  
濟美兮已繼公而通籍伯司憲于秋曹兮仲登瀛而簪  
筆旣外朗而內潤兮更季子之英特嗟定省之同曠兮

雙日燕堂外集卷八

十一

畫曼刺稿

每臨書而嗚咽迨撤瑟于彌留兮靡一人之在側豈神  
理之難知兮遽驚心于綿綴同永慕于終天兮迭星奔  
而標辟思祐惠而哭市兮頌達仁而紀石吏縞素而送  
喪兮民絃歌而薦食凡百爾之協恭兮感平生而悱惻  
昔鳴騶之西邁兮茲丹旆之東回期孝章之永年兮奚  
中壽而猶虧旣哀榮之皆備兮又何憾乎全歸惟大猷  
之康濟兮曾未竟其所施紹家聲以後賢兮勉報國于  
裘箕愴斯人之不作兮亶懷舊而漣洏出青門而遺奠  
兮恍別酒之盈卮陳哀慄之欸欸兮庶延佇乎靈旂尙

饗

祭盛方伯孟巖先生文

常郡同鄉在西安公奠

嗚呼方伯自赴人之至秦也秦中士大夫感舊傷往相  
唁而哭者不知其幾人其末僚故吏下至兒童走卒莫  
不西望雪涕聞隴水而霑巾矧同方之游宦嘗得侍於  
青門共桑梓之仁里共枌榆之德隣或論交而忘分或  
知己而感恩傾廣廈而何芘敝大裘而孰溫送丹旄之  
長返愴孤嗣之星奔山邱華屋響像空存咸陽有西靡  
之樹霸陵回東逝之雲匪直大雅之足悲也斯吾鄉郇  
之達尊念衛玠棟梁之折能不隱痛而傷神嗚呼方伯  
溯公厯官紀公行事弱冠升庸起家科第樞庭密勿之  
班綸閣清嚴之地玉啟璞而知珍金發劍而卽利駕部  
著其猷爲諫垣傳其諷議咨頗收於禁中早知公之才  
異命籌筆於戎旃從入關之蹀騎爰典郡於郇原起民  
俗之彫敝移赤望於西安擢糧儲而重寄嗚呼自公之  
分陝十數年於茲非必矜察察之明而政靡弗施非必  
有赫赫之譽而去常見思迨陳臬於章貢民越境而攀  
依幸開藩於舊部騎竹馬而紛馳方景星之快覩忽躔  
次之西移惟

帝心之簡在重保障於邊陲敷威惠而及遠將闔外之  
胥資冀秉節而遄返遽羽翬之來斯嗚呼乘虬大漠化  
鶴會城豈神理之難測豈與善之無徵公雖躋乎臚仕  
常泊然而寡營擅鄭虔之三絕求翰墨而盈庭問絲竹

之陶寫亦屣履之將迎有琴德之在抱無某心之不平  
譽必當乎物望論必準乎人情至於一執之士一字之  
師約身而接引虛已而諏諮振拔寒素賞奇析疑官屬  
丞史有味乎其言之篤孔懷于跼鄂敦式好於連枝時  
昆旅之鵲起厯癡館而雲司公固滿而不溢常謙尊而  
自持內躬躬而如畏外抑抑而有儀庶後賢之循守應  
克荷乎門基嗚呼公之善績爲國名臣公之純行爲世  
完人民頌公之遺愛士誦公之遺文奚悼乎公之盡瘁  
奚傷乎公之反真茲旋窆乎故土宜讜德於貞珉古所  
謂鄉先生可祭於社者是有合於前聞駐雲駟而祖奠  
冀哀懷之同申尙饗

公祭劉檀橋先生文

光嶽淪精文垣匿彩大壑移舟迅波歸海景光易逝髮  
容難待幻影云徂清芬常在猗歟哲人秉德淵冲銀手  
如斷金心在中圭璋植品模繡範躬豹文蔚霧鳳彩棲  
桐地胄高華天姿清邵仰承家學恪遵庭誥董園不窺  
鄭經自抱伯歌季舞蜚聲摘藻長楊獻賦遂掌制詞影  
纓綸閣簪筆彤墀黃麻視草紅藥吟詩文高典引記習  
朝儀連掇魏科洊登清秘太液神山瀛洲福地尊彝肅  
穆球圖瑰異本著作才推廊廟器命持玉尺出握珠衡  
三齊選備八桂搜英河汾地古嵩少風清材儲杞梓秀  
擢荃蘅麗景方升昌風正扇秩晉宮坊班聯采殿聽漏  
西清讐書東觀麗藻飈飛高詞霞綸方隨鵝鷺遽戀葦  
蘆林泉高寄翰墨清娛池亭深窈花木芬敷謝安絲竹  
游楚笙竽集號歸休傳稱止足竹柏宅心雲蘿麗矚禪  
悟苾芻聲聞蒼荀怡神養和積愛成福玉符表瑞金鈴  
降祥小山桂馥元扈鸞翔家聲烏奕仕路騰驤味甘蔗  
境餘慶難量胡不百年頽光遽謝篤識巢門鵬驚集舍  
兜率梵宮樊桐仙榭境已返真心宵怛化某等忝同桑  
梓得挹蘭椒少微易隕喬木先凋吳關迢遞秦雲沈溲  
聊陳奠醢空設巫招尙饗

雙白燕宮外集卷八

三五 畫景剩稿

祭劉檀橋宮贊文

嗚呼傷交舊之云徂悼儀型之莫覯返真氣于梁甫歛  
文光于列宿悟隙駟之儻馳感壑舟之遷貿計百歲之  
大齊猶未臻乎上壽胡顏年之不駐遽驚心于鐘漏惟  
明靈之淵懿紹崇基于堂構承經訓于家庭著英規于  
童幼秉夙生之察慧得巨筆于神授琢圭珪于球琳範  
肇羽于模繡濬遙源于靈府吐神淵之洪溜煥高文于  
典册信雲屋之天構早獻賦于長楊遂袞然而舉首魚  
縱鱗于太液驥呈材于神廐立螭坳而視草沾御香于  
襟衷乃巍科之連掇踵前武于華胄校秘書于三館陟  
延閣之廣表警鸞掖之彩毫曳龍池之麗綬占用儀于

雙白燕堂外集卷八

夫 畫墁剩稿

鴻羽叶歸昌于鳳旒膺九重之特眷超眾儔而居右界  
玉尺以掄材延士林之萬脰攬歷下之名流擢桂林之  
翹秀收三晉之英髦拔中州之異茂彼鴻生與碩儒咸  
懷材而輻湊璧有美以咸登珠無奇而不售返士氣于  
敦龐正文體之訛謬泊還朝而獨對荷綸音之嘉懋進  
宮秩之清華摛著作之宏富正朝景之軒霞忽歸雲之  
戀岫憶林壑而不遐喜魚麥之可就樂琴書之蕭散快  
親賓之邂逅佩葛令之黃神讀孔晁之紫宙野芳發而  
堪擷石泉清而可漱羅護世之美饌酌中山之醕耐弄  
翰墨以爲娛或笙歌之間奏看諸郎之騰上若飛黃之  
決驟羨杖履之樂康洵得天之獨厚惟仁心之藹吉如

條風之應候聽眾口之延祝享遐齡而未究方抱德以  
煬和何美疾之忽遺憎二豎之見侵謁三醫而莫救篤  
巢戶以徵凶蠶集著而告咎某等託心契于良知軫情  
親于懷舊緬穆行以如存愴會期之難又望江樹以凋  
秋愴秦雲兮晝晝採蘋繫于南澗陳椀邈于北牖悲連  
邊以攄辭靈有知其妥侑尙饗

雙白燕堂外集卷八

三

晝晏利稿

公祭雨泉方伯特通阿文

嗚呼朝露晞天大星隕地湘水鵬來遼陽鶴至背景藏  
靈菱華孤世相向失聲奚能制淚惟公誕降實在青門  
華峰毓秀渭水尋源如來金粟身異性存歌斯哭斯證  
此夙根望歲能言結髮勵操友于則友孝乎惟孝茂德  
棲音沉思朗照聖聖鏘聲鱗鱗貌綺齡媚學枕菲能  
勤神禪無飾純終領聞錦鱗跋浪金翅搏雲鬢宮拔萃  
廷試冠軍宦蹟初枕嶺南百里雄鬚量移珠江蒞止拔  
薤鋤奸樹棠誌美奉諱北歸蕭然行李郎官補外弭蓋  
嘉禾人無犢佩海息鯨波移麾西竺繼軌東坡湖光山  
色酒賦琴歌既領天台載遷閩海宛州甫調汝南又改

雙白燕堂文集卷八

六 畫漫刊稿

俗易通和政成樂愷銀手如斷金心斯在公之治汝水  
懦是懲萑苻聚蟻搏擊如鷹劍章入告嘉乃廉能繡衣  
用昇柏府旋登三輔威名二南德望人在鏡中吏行冰  
上闔澤宣昭義心清尙行省再權大猷克壯葦月已可  
公將乞休大府不聽去志益邁百姓攀臥至於涕流公  
曰勿爾爲汝稍留坐此俄延自春徂夏吏民額手寇可  
常借乃心東歸視如傳舍夢厄辰年儻焉徂謝公之未  
疾法界來過應眞五百指點婆娑歸來三日示疾維摩  
涅盤證果會不刹邗以公神明生天定早以公慈悲成  
佛亦好溼氣扶輪星幡遮道矧其生平富貴壽考雖則  
云然我心盡傷泰山喬木百感蒼茫敬陳芻束載酌椒

漿靈旂放患鑿此馨香尙饗

雙白燕堂外集卷八

十九 畫坡剩稿

公祭佟佳按察遇昌文

帝眷勛舊人思考成迴玉關之棨戟陳臬事於金城重  
八閩之廉問趨豸繡而邁行嚴程兼發舊部權迎風宣  
露冕澍洒雲旌萃青門之寮察將帳飲乎西京忽赴人  
之在側愴百爾之沾襟惟公稟精川嶽承華冠蓋荷岷  
閩之門基籍圭符之鼎貴馬乘鮑永之駟刀有王祥之  
佩韜諳標映乎鵠辰英譽瓊敷乎綺歲版使初登農曹  
是試玉啟璞而先溫金發劍而常利金川蕃落曰莎羅  
奔槃瓠別種巴剌邊屯貆獠好鬪梟獍難馴  
純皇赫怒咨警廷臣頒上將之袍服御左掖而推輪公  
則請纒絕域仗策前軍旄頭占象盾鼻騰文班旂星指

雙白燕堂外集卷八

二

畫曼刺稿

贊鼓雷殷禹吾就縛叩筓清塵偵索諾木之矯捷實公  
生致於旌門書庸青史之編錫宴紫光之閣漢室蕭曹  
唐家褒鄂

天子嘉公能參帷幕年未盛而勳高秩未崇而名廓五  
曹要劇拾級頻遷秉麾木峽乘鄣蕭關熊軾訪鳴沙之  
鎮隼旃駐賀蘭之山洎讀禮而去職見萬戶之攀轅逮  
廓爾喀之不靖復諭蜀之需公望使星之入益識父老  
於蠶叢既膚公之速奏移五馬於南東典汀州之望郡  
遂觀察而揚風駕澎湖之高浪飛海外之艤幢剪莠民  
之嘯聚警蝥賊之內訌賁影纓之翠羽旌異數於豐功  
擢職蘇臺秉釣柏府罰省栢楊恩周圍土伊嶽嶽而觥

觥乃憲邦之矩矱信觀過以知仁欲持平而註誤竟遠  
徙於流沙望冰天而叱馭

帝軫念乎成勞旋賜環於邊戍謂簡要而清通宜進公  
於銓部行郡縣而舉帷作長城於西土擢司政於蘭垣  
復改命於建安將倚公以大任擁旄節而開藩公久戀  
於廷闕請展覲而之官厯襜帷而瘳疾遽綿愒於平番  
攬遺表而增怛見

至尊之改顏豈愍遺之難必留未竟於後賢公之哲嗣  
簡在宸衷秉義方而濟美方按部於河東愴見星而跋  
履控薄笨而攀從嗚呼公之伐閱載在旂常舉旗清阻  
奮鉞夷荒巴山臺海西訖氏羌碑題遺愛墮淚思長某  
等感靈光之遽傾溯典型之如在送柳嬰兮首塗望輜  
軒兮警旆匪神理之難知洵榮哀之允備瞻丹旆而云  
遙念墨練之過悴言設醴而劔牲言薦芻而陳稌位甲  
馬於雲中緬平生之聲歎

公祭費鹿溪封君文

嗚呼考終重於箕範降祥著乎義經惟耆舊之風采實鄉閭之典型狄舍雲飛俄傳哀訃珩門篤集遽賈修齡青赤弧南宿闇丈人之象珠璣翼北芒寒大夫之星惟公茗水名家蘭陵舊世觴歲嚴方鬢年通惠不因人熱梁伯鸞之生平早愴身孤揚子雲之自序爰以材賢試爲掾吏申子循名鄴侯主計攝殺素收之律甲乙咸精幽狴圖土之書科條並記行吾仁術用彼刑書理妖言之大獄抱竿贖於青徐詞正賊其株連講張爲幻抄竟絕於瓜蔓囹圄全虛解鍊圍之閹鑲肉白骨於旣枯郡守增公重公長者隴右价藩幕中優假縱英譚於鄒爽

雙白鹿溪外集卷八

三 畫樓刺稿

札瀾翻屢舍

天子之頤百函淵雅酌時勢而裁科則量輕重而得權衡分條析縷噓稿吹生五夜回鐙盛吉沈吟於丹筆九星開索隆宗祇候於絳繩凡我公之畫諾皆切當而可行游倦歸來于時煦煦元方著德教於圭門少游稱善人於鄉土旣埋醜而掩骼澤遯幽泉亦矜痿而卹孤歡生環堵被大裘於一方分純綿於千戶旃蒙之歲江甸凶荒悲比屋之縣馨閔焦澤而焚炷陳粟淖糜猶設黔敖之食鳧苾盧菹尙分善明之振宜其積慶神扶龐攄天佑鵬鷲齊飛芝蘭競秀繞剡之彥丕紹箕裘含節之

童能懷印綬長公射策早歲明經著循良於關輔膺繁  
望於鎬京蒞華原而作牧分桃林而振聲扈帶鮫函飛  
章莫府銀章青綬報冢明廷次公則佐郡於大梁文孫  
亦典州於西粵陳太邛之昆旅才可公卿于定國之門  
閭高容榮戟輝組紱之蟬聯萃簪裾之赫奕公方林泉  
悅性杖履宜年卻安輿之迎養辭塵網之嬰纏廣宅良  
田仲長統于馬樂志孤松叢菊陶元亮翛然欲仙上壽  
高躋神明怡裕堂迎華誥膺五馬之殊封庭繞萊衣擅  
八龍之令譽方思蘭膳之常馨何意椿齡之不駐曲池  
高榭孟嘗泣下而欲獻華屋山邛羊曇涕零而叱馭嗟  
神理之難知愴怛化之何遽某等社集枌榆情親蘿薦

雙白燕堂外集卷八

三 畫曼刺稿

或企德而升堂或談元而入奧南宮養老坐聞鳩杖之  
榮北斗注名俄見鸞書之召陶公雙鶴同此哀號楊子  
巨禽共申悲吊望柳翼於故鄉薦椒漿於遠道羌製調  
而隲詞冀式維乎靈旒

公祭雷瓊周曉坡兵備文

威斗還真德星戢曜雨泣丹帷風淒素翻楊尉烏啼陶  
公鶴弔大化推遷哲人同悼繫惟觀察觥觥嶽嶽珂里  
价宗琴臺右族七葉青箱五傳彤轂濟美流芬貽清式  
穀蘭馨卅歲玉映觴辰師磨出數瑞鷗儀雲金花紙燦  
玉筍班新霓裳唱曉月管吹春自昔都官爰司邦憲倚  
馬占才爽鳩列薦白雲英宜獄宜岸無失亭疑無愆  
輓斷迺躋諫院臺閣生風迺巡轂下人避青驄班心突  
兀冠角雍容造羽鷓鴣接武夔龍弄印之榮登車之慶  
先聖知公能持法禁作人之隆得士之盛

先聖知公堪司文柄迨迨駟篠宛宛牂牁使星朗朗卿

雙白燕集卷八

三 畫搜剩稿

月峩峩披沙寶發剖璞珍多琛來遠徼珊貢滄波治洽  
旬宣猷兼中外儋耳珠崖海山旁帶

帝資重臣惟公載旆露冕舉帷雲槎擊汰朱轡行郡蕩  
蕩由庚佩牛俗革馴雉風清方看徙鯉忽訝騎鯨羊公  
片石有淚同傾嗚呼遺愛空存大猷未竟宸眷夙膺興  
歌邊聽諫草家傳芾棠茂蔭歸旆飄零輟春淒凝嗚呼  
狄梁親舍黯黯雲飛教忠移孝叱馭駮駮門閭倚望老  
淚沾衣白華補逸僊諸廣微賴茲羣季爰暨後賢承家  
報國軫接鑣聯相呼萃野早列賓筵高門通德必顯他  
年某等奉職同方論交同誼凡我寅僚及茲屬吏治譜  
能詳官箴咸記敬瀉椒漿悲悼斯寄

公祭襄城營都司鄒君文

嗚呼馬敦報國狼睜提軍奮薄矢石跨騰風雲克敵致  
果授命成仁蠶茲草竊殲我蠹臣猗歟鄒君東山俊豪  
岐嶷幼挺遑蹠羣超口敝百籍心精六韜爰投班筆迺  
佩馮戩于時鷹揚如羣斯玃隸秩夏卿起家春貢持戟  
桓桓扶轄從從端門偉顧神色飛動按轡出守典衛襄  
陽銅鞮講射玉帳論兵卒乘輯睦蒸徒樂康明恥教戰  
有勇知方泊乎柔兆欃氛告亟上將征南偏師逐北君  
勵戎行身先士卒克靖房陵克障羅國

天子曰咨嘉乃丕績擢君都閫以蕩餘孽君益感奮砥  
志捐軀幕庭三踊旗門兩孟虎穴硨磲烏道踣躡白河

雙白燕外集卷八

五 畫曼刺稿

突陳紅巖轉精十決十盪載馳驅渠魁厥角戎醜歸  
顛何圖困獸岫負危峰傅毛起蝟聚蠱屯蜂川名霧渡  
谷駭霆烘總戎絕險都尉梯空後騎接武前旌仰攻嶽  
巖勢覆玉石焚同義聲俱倡君遇其衝卒賴餘勇獲奏  
膚功飛章入告宸顏改容公忠之褒死綏之烈赫赫殊  
勛太常秉策翩翩孤嗣羽林世職終始哀榮炳如星日  
丹旄南來素車東指部曲銜感官僚屑涕楚些招魂虞  
歌變徵侑此椒漿鑒茲蕪謫

公祭盛慶陽甫山先生文

濟美流芬貽清式穀是曰達尊是曰備福遺愛猶存令  
終有俶野泣勛碑朝留諫牘江左風流山邱華屋咸仰  
先型羣欽高躅忍見陔南銜哀風木題旒驚心過車捫  
腹惟公之先代有達人絳州育德光啟後昆公與伯季  
卅歲名聞便便邊笥奕奕于門神鯨跋浪瑞鷗儀雩後  
先競爽中外宣勤溯公通籍迄公懸輪清節雅量可略  
而陳昔在上章六飛巡幸東南竹箭公尤英挺畫日文  
高凌雲賦警珊瑚探珍錐囊脫穎吟藥當階伴薇直省  
樞府深嚴掖垣清迥溫樹無言判花常領鳳池心跡汪  
洋千頃公居諫院人避青驄匪矜察察臺閣生風敷敞

雙日燕堂外集卷八

三 畫漫刺稿

糾彈悉當宸衷公於桑梓彌敬彌恭分里積穀以備年  
凶一年之蓄卅年之通一郡之式百郡之宗條章入告  
先帝嘉庸謂使乘障良二千石花馬池青野狐川碧芑  
黍郁膏甘棠召績俗起凋敝民均力役佩犢知耕噉鴻  
安宅公攝監司檐帷乘戟瓦亭木峽自西自北望公如  
歲以手加額人方卧轍公已回車春園筍鮪秋舫蓴鱸  
知足知止以怡以愉時公季子揚歷星衢專城百里陽  
鳥攸居承公庭誥惠此方隅公爲加膳潔養嬉娛騎箕  
忽去疇不欻歔嗚呼惜公不延知公不朽孝乎惟孝友  
于則友學守傳籙才堪量斗三絕兼工九能奄有公之  
筆法淵源接授畫則荆關書則顏柳嘗邀淵鑒賞公名

手人懷墨寶珍逾瑤玖嗚呼自公簪筆風蕭霜清泊公  
出守霖雨蒼生傳家治譜報國循聲芝房接跗桐鄂交  
榮喬椿百尺垂蔭門庭西園文藻廣集羣英東山絲竹  
陶寫閒情胡騫雲馭猝返曾城嗚呼公之彌直上結主  
知公之愷惠下繫人思縑緗藝苑簡籍經師述公風義  
豈藉蕪辭惟茲後進夙昔心儀班隨玉樹誼託瓊枝方  
操几杖遽奠壺卮靈麾東駐昭格臨歧

雙白燕堂外集卷八

毛

畫漫剩稿

陝西按察使

敦良

祭莊伯鴻司馬文

嗚呼司馬吾聞君之早而識君之遲更交君之未久而君竟長辭當嚴關之孔道方羽檄之交馳凡期會而徵發惟大猷之是資雖卧閣而未息日披覽乎文移冀貞疾之可釋盼五馬其來施忽赴人之在側愴逝者之如斯匪同寮之故也而良友之悲匪哭君之死也而惜君之才使年命之可假而大任之有期應得發其抱負展驥足而不羈胡哲人之不慙胡神理之難知將譎行而覩縷吾曷禁乎漣湏惟君天水介宗蘭陵右族檠戟焜耀貂蟬聯續承名父之喬庇奉義方之教督宗武勝衣之歲選理熟精蘭成射策之年環才驚俗清譽著其龍

雙白燕堂外集卷八

三

畫墁剩稿

文局概徵其麟角昔弇山督部之分陝開莫府于關中龍管虎步星聚雲同君珥筆于弱冠如元方之從仲弓有王敬倫之風采深見賞于桓公儼拓戟而成隊標趨趨于文雄校鴻烈之逸訓訪黃圖之故宮沈浸濃郁博達淹通杼軸詞藻其光熊能或悲槩而悱惻思一往而難窮間流毗于綺靡亦至情之所鍾獻荆璞而擯別書十上而不庸年曠逼于強仕悔壯夫之雕蟲乃入貲而爲尹適奉檄于西雍時君家尊典州邠土繼守榆關軍書旁午君始蒞于咸陽卽太公之舊部童騎竹而齒加萋倚棠而蔭補韋康繼其官箴胡質傳其治譜時人以爲嘉話貽清名于石斧君固勇于爲善寓詰奸于什伍

條保甲之合法見施行于大府移藍田與大荔皆去思  
而來舞復首善之需才表循行于三輔值挽河而洗甲  
淨機氛於秦楚袁安冬日之歌陳寶嚴霜之語洵寬猛  
之兼資最上考而擢舉惟潼關之鏢鑰抗西陲之嚴阻  
慮民氣之凋敝藉威惠而鎮撫丁母憂而去官見攀輓  
之同憮中因事而落職旋見錄于

仁主感借寇之何迫念留焦之良苦逮免喪而詣闕畀  
舊治之疆圉知尹喜之重來候紫氣而翹伫何芘黍之  
含膏勵再更乎寒暑慨玉棺之遽下於此邦而終古年  
未竟其猷爲官未酬其才謂嗚呼司馬早知名于日下  
吾耳熟而心傾始讀君之著錄略識君之平生及觀君

雙日燕堂外集卷六

无

畫畏刺稿

之吏治采君之民譽而知前之識君者尙囿于詞名方  
相見之恨晚期協恭而治成奚中道而殂謝悼下壽之  
未盈嗚呼司馬廉吏可爲而不可爲也君固再世而懷  
清今親老而子幼將旋反于江城無負郭之十畝無遺  
金之一簞縱山公之作達悟大夢而常醒顧霜霰之何  
蚤摧玉樹于方榮矧八口之鞠育轉仰恃乎衰齡斯人  
生之至悴詎制淚而忘情使九京而有知也將上問乎  
蒼冥送柳絮以首塗愴丹旆之飄零賦傷逝而心惻豈  
長言之可呈伫靈旗兮半漢應式鑒乎悲誠

公祭徐太公文

曰嗚呼大化推遷人居其裏脫筭不留奔精常駛川閱  
歸塘舟藏地市德曜寒芒柱峰城圮懿惟先生通門邵  
德毓慶醴源鍾華蘭澤瑞鷗騰衢祥烏表策堂駢鼎鐘  
戶峙棨戟吟鸞綺歲辨馬髻辰髻垂玉照觴佩丸芬觸  
羊敏對振虎凝神陳經剛日賦志妍春繇摘緹囊符探  
金匱董相帷垂太冲紙貴綉素沉酣鉛油吮饋榻洞遼  
東花忘園內闔門教授市宅傳經草碧環帶槐黃覆庭  
執疑穿闕載酒盈舸書傳中說行標偉型金躍非祥璞  
懷終韞竹老柯亭劍沉吳郡桐爨頻焦薪勞屢困尺木  
無階重閔未晉蛇徵王盛雀報楊昌旗鈴墮夢玉磬迎

雙白燕堂外集卷八

手書景刻稿

祥國華鵲起家慶鴻翔德基錫祚善積餘慶英英哲嗣  
玉昆金友鴛鴦星儀蟻光脛走譽邵通閭才多隘斗日  
下騰輝雲間嬌茂金精躍水兵潢沸流檄奔約羽落  
旄頭短衣匹馬磨盾書矛運機參幄畫策登樓環弩排  
黃螯弧麾白謀落九天圖驚五石陳合雲芒弓彎月魄  
相柳蠲腥大風歛迹優賢揚歷

帝簡書慵爰膺銅竹式啟花封蘭陔就養椿喬蔭濃膳  
餐脩潔苴堇温恭最政寬仁教忠時懋筍圃侍興萊冠  
披繡金誥天輝銀文雲秀蘭開室香桂徵庭茂英英寶  
露采采新茗碧梧翠竹玉佩瓊瑤笏駢魏相硯傳范喬  
靈芝華官金鼎氣歆展如邦耆洵叶人瑞五臚克綽三

壽是利伊何圖旻德衰運逝純孝毀擗寮屬含悴嘉肴  
伊脯旨酒令芳蕙蒸蘭藉桂醕椒漿夙規上德冀發潛  
光庶幾來格告靈孔臧尙饗

雙白燕堂外集卷八

三  
畫漫利稿

公祭洪母蔣宜人文

雲垂下澤日掩高春左楹夕奠右寢朝空悽愴埜色蕭條緒風於維宜人蒼錄分宗凡茅並胙黃版新封青溪舊住福履家室英賢踵武挺茲令淑郁此含章玉生庭照蘭開室香邢姨裝服宋子河魴旣容旣德言告言歸琴瑟爰友勤勞是司浴蠶春水秉杼秋機逮事威姑行成柔則孝敬天情純和地德紛悅有儀箴監無忒式禴式狄以緹以絃宜躬參副節步聲珩馨椒春頌陽菊秋銘華省修書金闈恭命漏院宵肅章臺晝靜雞鳴贊德鳩盈成政使星入益遺襍遊湘山連鬼國地有仙房魚軒容與葱珮倘佯繇問姜氏戒符伯尊君子好直有夫

雙白燕堂外集卷八

三 畫曼荆稿

出征喜愠匪改山河載驚灰瑄幾移金雞旋唱玉關生入牛衣無恙方期百齡及此雙暢天道冥漠與善奚言霜凋桂苑風落芝田問藥無對蒸丹孰延猗惟宜人風化二南人倫七始德耀恭夫宣文教子載戢蟲羽無歌江汜鏤之銀管輝我彤書遷壑隨化藏山不誣丹旒往矣青編永諸某等登堂無時飫德茲熟醯醢百甕生芻一束敬抒哀忱式惟靈躅尙饗

公祭陝甘總督那公繼配宗室夫人文

嗚呼畫雉生寒膠鸞變徵玉女峰傾榛娥臺圮瑤管灰  
青湘筠淚紫鳳去增城鶴飛吳市鯨渤闕川龍門脫矢  
哀逝黃門貽芬彤史猗惟夫人靈潢貴胄毓慶璿源分  
華若秀日幹騰芳雲條蓴茂粹合巽宮芬流嫺宿百尺  
虹霄千尋閩岫少廣鍾祥歸昌叶繇珽資內照蕙性外  
芳纓辰婉婉笄態珩璜詩書淑範貞吉含章紈裁織素  
杼緯流黃鑄銘菊殘陳頌椒觴茗華蜚采觸燧鳴鏘桃  
實九春冰融始旦教猷牲魚禮成雖雁內則惟爛中圭  
克贊肅佩瓊牙莊情玉案淑慎容儀端操沃盥晨禽在  
窗已潔棗榛啼鳥在樹尙勒縫紉食獨諳性適鹹調辛

雙日燕芬集卷八

書叢剩稿

衣獨安吉煥體宜身匪敢憚勞尊章以忻匪曰求譽婦  
職是循光光夫子儀羽鴻逵出持蠅節入侍鼈扉六章  
澤驚七采山翬鵲銜書赤魚帶衣緋璆文日賈金誥天  
輝柔嘉益懋謙抑無違政肅房闈恩均娣姪蠡羽深仁  
鳴鳩平一聘致高邱福綏庶姑神醴雙流華荷九蕾珏  
種元林芝馮清室瑞鷗騰衢擣鷓振潏黃圖勦治紫塞  
飭裝魚軒遠陟翟第邁行華原山峻坻坂塗長秋風關  
隴夜月河湟百年促節六氣垂方俄辭華屋遠掩瑤光  
扶風女宗瑯琊閨憲異代同榮方斯復見回回上圖不  
祗令善璇極收芒銅壺駛電嶰律頻催鍾爐不變永送  
金蠶長埋寶燕曩迓朱鑣笄珈委佗今茲歸旒悽愴蒿



公祭那拉淑人文

嗚呼庭陳雉服旒指魚輅淒淒露薤槭槭霜楓緬黃門  
之哀逝溯彤管之芳蹤繫淑人之上儀實德門之令軌  
北婺正而揚輝西池降而表瑞潛麗澤以金苞毓鍾山  
而玉粹靈源泛醴福草藪芝儷結璘之闔睽延若木之  
貞蕤簪三索于兌說符六德於坤儀絃經誦規珩瑀著  
則蘭姿內芬瓊照外澤五醞調良九華纂織瑄鐫仙史  
之茗錦榮天孫之石端操有蹤幽閒有容春初九而桃  
灼日方旭而冰融管篴展絮蒞藻尸恭瑯邪則世傳淑  
範安定則名高禮宗桓車相將梁案齊莊雲結篆而香  
閣風和玉而鳴廊荔館華支之曲桐峯文梓之章菴瓊

雙白燕堂外集卷八

三

畫墁剩稿

書於盤帶繡絲字于縹囊五組則簪花選格七襄則章  
草成行佐養循陔娛親奉舍綦履司晨莖苴俯夜百末  
介麋六衿補架紅浴春蠶綠圍秋柘光光夫子隆隆世  
勛神魚搏而跋浪瑞鷗耀而騰雲直珂垣而佩肅趨粉  
署而香熏北門視草東觀摘文副珈絢日列第駢雲鵲  
吐紫泥之檢鸞儀丹誥之珉江左封軺越西行部水上  
旌門山頭幕府湖舫蘋波石城花雨防踰闔於中圭凜  
崇閑于內主朱幡霞絕繡斧風驅飭九章而布憲周三  
輔而開圖佐慈祥於徐杜勗明允於臯蘇河鼓礪空參  
旗掩夜祈元女而披符韞僕姑而校射錦襜矜組練之  
工暢轂趣梁輶之駕星沈金虎電掃銀鵝拜貂璫之寵

賚宜象服之委佗賁飾贈緋魚之佩吉光占翺鳳之和  
天樞轉而拱辰日馭輝而覲午迎采菽之鸞章被蓼蕭  
之燕語盼郎伯之旋轅幸尊章之解組隔千里之清暉  
夢團欒於三五霜華鍛景晷序凋年緣慳一訣慟結重  
泉豈蒲仙之可挽無菊醴之能延嗚呼哀哉鵲絃絕兮  
寶瑟摧鳳律移兮玉琯灰銀釭暖兮文冷瑤簞黥兮朝  
埃關山暮兮罷秋月池館寂兮結寒苔露液晞蒿日光  
駛薜畫綉首塗雕轎歸殯煙草凝蕪風篁淒韻弔鶴遄  
吟哀鴻斷陣昔早飮夫芳猷識形閨之素脩圖述銘於  
鐘萬用綴德於旂旒陳嘉薦兮備脂酌旨酒兮思柔靈  
髮髯而來格煒聲垂兮永留

公祭朱母顧太夫人文

嗚呼雲垂下澤日揜高春總帷夕奠組帳晨空婺女輝  
沈夸娥御失丹旒淒涼素旌蕭瑟闔門禮教有淑其儀  
金護菱謝罔弗涕洟維太夫人室家之壺春紡秋機冬  
萱夏葦馬洲虎阜一葦浮杭歸我贈公初服偕臧箴續  
是肆蘋繁是司俄驚化鳥絕愴靡筭寡鶴雛鷓惇惇並  
命斷織杼空推珠奩盡丸和仲郢荻畫歐陽成公聞望  
惟母義方毛檄初承潘輿載駕翟茀遊秦魚軒訪華文  
翁政美闈澤隨輪頌公及母三輔稱仁京兆宰帷司政  
典獄常膳頻加平反親勗越當歉歲諮詢民依待餓賑  
粟憐寒授衣惟時草竊方肆鴟張我公籌筆宣力戎行

雙白燕堂外集卷八

善 畫 漫 刺 稿

導舉公卿避道

帝嘉令器載錫之光式昭彤史爰賁黃章維太夫人持  
盈保泰泮濯宜躬華靡屢戒英英蘭茁並蔚文孫慧龍  
薛鳳萃於一門允矣賢明延洪醕嫩聞于家邦施于孫  
子方期純嘏式穀宜年金膏玉瀝願駐丹顏象服空陳  
鶴駟何許寸草春暉傷心終古某等隸公宇下從事三  
秦親披講幔進拜宣文二十餘年豐榮祿養耳熟能詳  
徽音莫尙官屬丞史有味其言諭公汲引惟母之賢魚  
腊常懸苞苴悉屏廟公清操惟母之訓凡茲懿行更僕

難終傳著劉向碑題蔡邕闕內者英哀榮終始樹靜風  
驚虞歌變徵悠悠蒿里窈窕泉臺女宗長逝內外同悲  
蜃輅東旋嬰車南復醯醢百甕生芻一束大家之範伊  
昔傾心敬陳酒醴式鑒哀忱

雙白燕堂外集卷八

三八 畫墁剩稿

公祭黃母陳太孺人文

烏庠古有釐德協和是賢於傳有之今胡弗然懿惟孺人祖自虞嬀越於西隆世風孔施清河宜人德刑于家迺誕孺人聿繼其嘉孺人齒齡清河見背京兆來嬪克孝克類組紉織紝籩豆酒漿婉婉廿年曰歸於黃維黃先生植德顯名後於諸父風樹早驚先生嗣母陳之諸姑孺人其姪同樹異柎煌煌宸章節孝表閭而不永壽晨昏遂虛匪曰其虛孝思可述亦有舅姑先生自出孺人有言敬事惟一先意承志懽心弗失孺人教子博習親師中饋之職既潔且宜筵常設醴簋有兼肴虎席安止鱸坐來教孺人持家躬自約斂以禮爲裁與奢甯儉

雙日燕堂外集卷八

三

畫曼刺繡

善相夫子蘋蘩無歉淑慎厥身室家之範猗嗟賢母內外同推年逾下壽胡然竟摧悠悠蒿里黯黯泉臺寶婺已沉云何弗哀孺人伯子英英其岸爲貧求仕匪云所願祿養未遂天嗇母筭弗成厥志心愴魂斷孺人仲子文章特雄濯濯其光溫溫其恭雖蹟有司宜慰母衷春暉忽謝曷極其恫諸季翼翼稱家之器既秉義方母教具至諸孫繩繩蘭蕙其榮瑤環在抱玉樹生庭凡我邦人獲交二子進拜於堂退則於里如何昊天不弔女宗孰式孰儀孰仰孰從幽宮畫采慈幃閔音束芻陳饋敬侑微忱尙饗

公祭劉母李恭人文

嗚呼薰方榮而霜隕樹欲靜而風驚秦嶺瀆望雲之淚  
虞州咽逝水之聲總帷塵掩組帳寒生翔鸞遐舉弔鶴  
悲鳴薦生芻兮遠道送薄笨兮遊行湖女宗之懿範咸  
耳熟而心傾嗚呼恭人之先南徐右族宮保巖巖總戎  
嶽嶽旄鉞畿郊旂常世祿誕生恭人其儀有淑宋子河  
魴邢姨裝服惟端操之有蹤爰德音而來告克相夫子  
愉愉穆穆逮事重闈雍雍肅肅既絜堊而修葺羌頌椒  
而銘菊洵婉婉而聽從卜熾昌於通彙昔太守之筮仕  
早代匱於姬姜被祁祁而問憂雞喔喔而升堂樹倚閭  
之遠望怡色養於無方湘蘋南澗葺竹東廂奉安輿於

雙白燕堂外集卷八

早

畫樓剩稱

棠舍侍歸艦於粉鄉丙夜魚鼓寅朝蟹筐熊丸咀嚙鳩  
杖扶將展青綾之步障和碧玉之鳴璫姑姊燕好娣姒  
成行壺內崇仁之里閨中通德之坊五十年來宜家宜  
室綰綽珩璜委佗佩徽愴太守於道山紹弓裘於賢哲  
寄封鮓於燕郊問平反於雍駟願雋母之加餐奉大家  
之遺則被紫誥於鸞回見天章之如綉羨畫錦於萊衣  
更孫曾之繞紉顧四世而同堂報春暉之永日胡神理  
之難知期大齊而莫必聆變徵於笙詩悼慈雲之頓失  
策五馬而星奔引素車而銜郵某等托寮案於青門誦  
賢明於彤管遲登孫策之堂待適茅容之館蔣欽之縹  
被春寒韋逞則紗帷畫卷能述徽柔難忘令善展處膏

而不腴信持盈而不滿宜鑄諷德之珉宜刻昭華之琯  
伫靈罕之來馮奠椒漿於玉盃

雙白燕堂外集卷八

四

畫墁剩藕

公祭莊太孺人文

古稱名媛首惟姬姜孰尊女宗令聞式臧不有焯管曷  
追昔馨匪名之馨來茲是型猗與孺人毓質靈粹芝英  
擷芬璇曜釐緯裁衣織素說禮敦詩備嬪南華溫恭日  
孜通德之門世襲苞蔭翼此清淑闔範克峻晨盥求燭  
宵機起烏閑心樸貞呈色惋愉皤皤在堂滄澗斯鈇呱  
呱在抱毛裏斯一蘭陔養潔鳩鳩誼均內政肇修義俾  
女君有離其儀五雁六禮母饋乃勤璧帛維庀有婉其  
則緹帷朱軒母嘉乃成笄總維虔爰舉大事窀穸時奠  
爰贊大禮溫藻時薦迺慎迺順允釐允宜歸安重闈重  
闈以怡曷哉家人不節斯否黜華崇樸飭我恒紀饑靳

雙白燕堂外集卷八

望一畫曼刺稿

半粟寒慳一縑恤而饑寒省嗇胡嫌儉緣矯奢吝亦妨  
儉以仁祛吝澤物流行匪惟拊之又嫗煦之匪惟樹之  
又布護之蓄遂培厚厥施乃光含滋敷榮丕基熾昌承  
天之和寵帝之祿烏突垂祚戩受嘉穀合德壽豈顯道  
維彰曾是景命竟不于常瑣瑣宗鄙煢煢幽獨孰術無  
衣孰盜無粟惟母是庇惟母是歸母儀式瞻母慈式依  
嗟嗟此日胡依胡瞻馳神永傷橫襟涕霑靡遠伊邇異  
聲同容中閨達尊遽絕今茲疇昔之辰勤事夫子旻穹  
匪忱遺厲伊始天或悔禍宵戕厥躬一割之慘九蒼冥  
通鑒茲精誠球迺瞑眈所期保艾用迓神眷胡又不弔  
鞠凶再罹音徽影祖黃耆誰祈短短流晷晻晻西隅春

暉莫酬云何其吁世哲發祥英髦踵起金支秀華交葛  
駢氏亦有貽謀逮及文孫清芬懋誦勿替雲祚宏母遺  
徽省母傳誠尙誕介祉保世滋大悼緬聖善粉榆夙規  
承赴申愴撫几交沍醜酒陳牡生芻載將在天式憑鑒  
茲徜徉尙饗

雙白燕堂外集卷八

四

畫曼刺稿

公祭高晴江配陸夫人文

嗚呼問珮音沈離瑜采戢江陵之砧韻淒其雍門之瑟  
聲歎喟栖林翰鳥懷人增南室之悲返舍阜魚遊子感  
北山之什揚彤管以風清望素帷而雨泣猗孺人鍾  
陰价族江表名宗燕喜西都百粵劍裘之雅徇翔東洛  
三吳金箭之鍾忠勤著甲令之編門施行馬勲伐紀辰  
旂之綏旗畫交龍威儀經學之嫺組糾婉婉窈窕女師  
之誦璜瑤雍容頌椒羈日銘菊筭辰蠶堪作譜鍼亦稱  
神梅點粧窗漳浦雙絲之館柘陰繭室平陽三月之津  
始旦華穠中春桃灼蘭言霍納之房琴韻沈香之閣珩  
牙警帳於晨蠅刀尺催衣于旦鵲賓藻澡南澗之綺

雙白燕堂外集卷八

畧

畫曼荆稿

釜必齋脩久滌隨中閫之衿纓有恪君子行役刷羽橫  
翰江東參佐之幄鄴下中郎之壇迎門則上公握髮傾  
蓋則名卿饋肝庾文康吟月之樓邨帷特啟陳仲舉提  
琴之室徐榻常安孺人則佐餽明虔調羹諳嗜侑廣微  
之馨潔代補白華問公奕之興居常溫縹被九華纂組  
之工五醞調良之劑惜惜德象安定之女宗翼翼端操  
扶風之高誼泊平桓少君對挽鹿車孟德曜同諧鴻案  
露葵半坼斜分碧玉之盤霜鱸全飛細劇銀絲之鍛牽  
蘿葺竹曲闌紅沼之園剪韭炊梁斗酒黃泥之坂賃伯  
通之廡客守雙清挈鮑宣之瓶春畦同灌玉生庭照蘭  
開室香笥有蛇蟠之瑞鏤傳雀報之祥珠葢青城之苑

瓊芝元圃之房分河陽滿縣之花蠡湖領赤帶宛上當  
邛之草鶻綬膺黃履信無徵懽威何亟灰琯俄移鏡華  
旋襲酈泉之菊水難迴期島之瓜香靡及潘騎省望廬  
有感芳挂增哀毛仲方捧檄初歸慈暉永戢嗚呼哀哉  
曩拜絳紗珈笄委佗今瞻丹旒懷愴蒿歌魚鐙移於泉  
室蟻結近于松阿楚莊姬之徽柔昭茲簡冊鍾會稽之  
禮法渺若山河景桑梓之壺範永旗旒而不磨

雙白燕堂外集卷八

四十五 畫樓剩稿

公祭吳太孺人文

烏序璇樞戢曜玉鏡生塵蓮凋露井護謝霜辰懿維孺  
人虞山右族鼎閥延釐清閨鍾淑箴循女史教肄公宮  
吟傳絮白頌解椒紅梅苧其三桃華初九婉婉上儀溫  
溫嘉耦迺慎迺順尊璋以歡奉鳩侍膳聞雞視安宜爾  
家室室事則理妯娌維雍僮獲維庇勗哉夫子策名清  
時匪云希榮顯揚在茲撤我環瑱捐我綺縠言秣其駒  
言膏其輶慈幃無塵我奉我將勿令遊子遠行心傷春  
澗湘悲秋原剪葵菽水亦養鼎烹何爲盞小於豆霜墮  
如雨沉沉鎖窗軋軋鳴杼朝斷一匹夕易半餐聊拯而  
饑遑恤而寒苑乃代枯黍復休否茹荼未盡味蔗伊始

雙白燕堂文集卷八

吳 晝晏荆肴

士衡入洛譽重東京季子抵掌再上書行十年饑驅一  
第胡慰慰甚親心祿養斯逮詩裁蘇錦箋答秦書未解  
鶉結尙守繩樞凌雲給札家猶立壁戒聞循陔盍謀捧  
檄維昔負米百里匪遙今爲親屈五斗折腰松方柏怡  
蘭先蕙萎日月不居龍蛇厄歲髮迎夾路塵暖霞旌誓  
井皎節磨筭毀生婦不欲生婦何敢死子先棄婦婦當  
代子堂上皤皤婦死誰依襟中呱呱婦死誰攜爲救胡  
考爲字孤孩死而有知應瞑夜臺維子也才繫母之教  
如師斯承如父斯詔折蓼示訓畫荻傳經子既克家厥  
聲英英鶴書赴召螭坳賦詩文綺拜賜先膺

帝知黃霸試官相如貲入剖符上區作宰名邑板輿迎

養鳴騶候門有客盈座有酒盈尊忽乃愀然顧謂宗師  
是胡足賀悲維既往往事吾姑際家之艱子登仕版旨  
甘闕焉吾又德薄實踟以躋願兒入官勿忘世德徽徽  
母訓孔時孔嘉下有千古襲之瑤華泉開蟻結草沒龜  
封燁管恒昭欽哉女宗撫几漣沔升筵愉悅奠醑陳詞  
祝靈庶饗

雙百燕堂外集卷八

四七

晝境剩稿

